

লক্ষ্যদহন পালা

লঙ্কাদহন পালা

প্রথম দৃশ্য

ঘোষক. হনুমান, লঙ্কাদেবী, প্রহরী

লঙ্কানগরের মেন গেট

জুড়ির গান

রামায়ণের বাহাদুর রামচন্দ্র নয়,
বদন তুলে কহ সবে হনুমানের জয় ॥
কর হনু গুণ-গান,
হনুমান কথা শোন,
সোটাগেমুড্ সমান ॥
তাব্যাপানা পোড়া-মুখ
দেখে ভুঞ্জি স্বর্গসুখ,
গাহ হনুমানের জয় ॥
উটুকপালের দু-পাশেতে
হের বাঁধাকপি কান,
কর হনু গুণ-গান ॥
লালচে রঙ নাকের ফুটোর,
বাবা ! দেখেই লাগে ভয়,
গাহ হনুমানের জয় ॥

প্রস্তাবনা

মহেন্দ্র পর্বতে চড়ি	বীর হনুমান
লঙ্কাদ্বীপ অভিমুখে	করে লক্ষ্য দান ॥
পায়ের দাপটে শিলা	হয় চুরমার,
ফোকর ফাটল দিয়া	বহে জলধার
জীবজন্তু ভয় পেয়ে	করে হ-হংকার,
যত যক্ষ মজা দেখে	ছাড়ি পানাহার ॥
গাছপালা উপাড়িয়া	আকাশেতে ওড়ে,
বাসা ছাড়ি কাগ চিল	মহাশূন্যে ঘোরে ॥
নীলাভ মেঘের মতো	হনু শূন্যে ধায়,
সাগর লঙ্ঘন করি	যদি সীতা পায় ॥
মৈনাক পাহাড় কহে	তিষ্ঠ ক্ষণকাল,
না থামি তাহারে ছুঁয়ে	হনু দেয় ফাল ॥
সুরসা সাপিনী এবে	চাহে গিলিবারে,
তিল সম তনু ধরি	ফাঁকি দেয় তারে ॥
সিংহিকা রাক্ষসী সে	জলতলে রয়,
ছায়া ধরি হনু মানে	মুখে টানি লয় ॥
চাতুরি করিয়া হনু	বাঁচাইলা পরাণ,
সুরাসুর সবে তার	করে গুণ-গান ॥
এমতে উতরি শেষে	লম্ব শৈল পরে,
বাদুরে প্রথাতে হনু	নাচ গান করে ॥

বুকে চপেটামাত করত ঘোষকের ল্যাজ দুনিয়া সেরে দাঁড়ানো

এবং হনুমানের লাফ দিয়ে প্রবেশ

হনু । উঃফ্ ! আরেকটু হলেই পৈত্রিক ল্যাজটা গেছিল গো !
কি বাঁচান বেঁচেছি, আরি বাপ্ ! নাক মুখ সিঁটকে, একটা নীল রঙের
মেঘের মতো সমুদ্রের ওপর দিয়ে চলেছি তো চলেইছি । কেরামতি
দেখে দেবতাদের দাঁত ছিরকুটে গেছে, তাঁরা সব ধন্য ধন্য করছেন ।
যক্ষ-যক্ষিণীরা পুষ্পবৃষ্টি করছেন । সমুদ্রের তেঁউ খেলানো জলের



এতটুকু বড়িটার মতো হয়ে তোর
মুখে সৈঁদিয়ে...

ওপর দশগুণো হয়ে আমার
ছায়াটা পড়েছে, ল্যাজটা
কেমন সুন্দর এলিয়ে রয়েছে।
এমনি সময় কোথাকার তুই
করে, ল্যাজ ধরে টেনে
নামিয়ে আমাকে জলখাবার
করতে চাস্? অ্যা! তেমনি
সাজাটাও পেলি কি না বল্?
এতটুকু বড়িটার মতো হয়ে
মুখ দিয়ে সৈঁদিয়ে—এই
পেরকাণ্ড বিকট রূপ ধরে
তাকে চিরে কুটিকুটি করে
কেমন বেরিয়ে এলাম!
প্রাণটা বড় ভালো জিনিস
রে বাপ!

হনুর নৃত্য ও গান

উঃফ্! বড় বাঁচা বেঁচেছিচ্ রে প্রাণ
ছায়া ধরে ক্যান্সা জোরে লাগিয়েছিল টান!
চন্দ্রবিন্দু পড়ে যেত নামের আগায়,
ঘুচে যেত কলা খাওয়া, মরি হয় হয়!
বাঁদুরে বুদ্ধির ক্ষুরে শত শত গড়,
চাঁচা আপনা বাঁচা বলে পেঁপেগাছে চড়!

ঘোমটা দিয়ে লক্ষাদেবীর প্রবেশ

লক্ষা! আ সর্বনাশ! তোর সাহস তো কম নয়! বেড়াল হয়ে
আমার পেয়ারের পেঁপেগাছে চাপছিচ্, অ্যা? যদি নখের খাম্টি লেগে
যায়? ভাগ্ বলছি! আ মোলো যা, তবু যায় না যে! হেই, হ্যাশ্, হশ্!
জানিস্ আমি লক্ষাদেবী, নাক্সরা রোজ আমার পুজো দেয়, হ্যা! হাঁড়ি
হাঁড়ি মোষের মাংস, টক দই—

(হনুর পিঠ ফেরা) ইকি! দেখেছ, বেড়ালটা কি, খারাপ,

লক্ষাদেহন পালা

আমাকে ল্যাজ দেখাচ্ছে ! এই খবরদার ! নইলে এমনি দাঁত চিরকুটি
করব যে ভয়ে পেলিয়ে যাবি !

হনুর দু পা এগোনো

ও কি ! এগিয়ে আসে যে । ওরে বাবা, কামড়াবে-টামড়াবে না
তো ? ওরে রাগিস্ নে বাছা, তোকে দুধ-ভাত খেতে দোব, আ, আ,
আ, পুস্, পুস্, পুস্ !

হনু । ছিচরণে পেয়াম করে বলি মা-ঠাকরুন, চক্ষুর কি মাথা
খেয়েছ ? কে বেড়াল, কে বাঁদর, তাও জান না ? আমি একজন
বাঁদর, তোমাদের দেশ দেখতে এইচি !



আমি একজন বাঁদর, তোমাদের দেশ
দেখতে এইচি !

লক্ষা । ওঃ, তা হলে
বেড়াল নয় ? আঃ,
বাঁচা গেল—এই—চোপ্ !
বেড়ালেতে বাঁদরেতে কি
তফাতটা হল শুনি ? বলি,
কি চাস্ তুই ?

হনু । শুনেছি লক্ষা
শহরের পথঘাট সোনা
দিয়ে বাঁধানো, তাই
দেখতে এইচি, তা কি
এমন অন্যায়টা করেছি
শুনি ? কিচ্ছ নিচ্ছি না,
ভাঙছি না, চিবুচ্ছি না,
শুধু একটু তাকিয়ে দেখব,
তাতে অত রাগের কি হল,

ঠাকরুন ? দেখ, মেয়েরা থাকবে রান্নাঘরে, কাটবে, রাঁধবে, বাড়বে,
তাদের মুখে অত গলাবাজি কি শোভা পায় ?

লক্ষা । নাঃ, আজ আমার হাতে তোর নির্হাৎ মরণ দেখতে পাচ্ছি ।
পই-পই করে বলছি এখান থেকে পালা, তা কানে তোলে না । লক্ষা-
নগর রক্ষা করা আমার কাজ । তোকে আমি ঢুকতে দোব না, পালা
বলছি—

হনু। ঐ যাঃ! ও মা-ঠাকরুন, তোমার খোঁপা খুলে গেছে!
লক্ষ্মা। তবে রে! যত বড় মুখ নয়, তত বড় কথা! একটা চড়
না খেলে মন উঠবে না দেখছি।

ছুটে গিয়ে হনুর গালে প্রচণ্ড চপেটাঘাত

হনু। উ-হ-হ। গিছি গিছি। কিঁ য়েঁ কঁর। আমার লাগে
না বুঝি! নেহাত আমি মেয়েছেলের সঙ্গে নড়াই করি না, নইলে
তোমাকে আজ আমি মেরে মাদুর বানিয়ে দিতাম না, হ্যাঁ!

লক্ষ্মা। ইল্লি? তাই দিতিস্ নাকি রে? তবে দিচ্ছিস্ না কেন?

হনু। এই যে দিচ্ছি। আমার বাঁ হাতের আঙুলে একটা ফিল
খেয়ে দ্যাখ দিকিনি কেমন মজা।

বাম হস্তে ফিল মারন

লক্ষ্মা। (ডুকরে কেঁদে উঠে) উরি বাবা রে, মা রে, ও পিসিমা গো
—ও! গেলুম গো! শেষটা একটা বাঁদরের হাতে পিটুনি খেয়ে অক্ল
পেতে হবে নাকি গো! —নাঃ, তোকে আমি আর কিছু বলব না।
যা, ভিতরে গিয়ে দেখে আয় গে। লক্ষ্মারও দিন ঘনিয়ে এসেছে। হা
হতোস্মি।

পতন ও মুহূর্ত

হনু। ন্যাকা! একটু ছুঁয়েছি কি না ছুঁয়েছি, অমনি উনি মুচ্ছা
গেলেন! যাই, নগরটা দেখেই আসি, সীতা-মা কোথায় আছেন দেখতে
হবে তো। ওটা থাক গে পড়ে, ছাগলে খেয়ে যাক।

হনুর প্রস্থান ও লক্ষ্মাদেবীর মিট্‌মিট্‌ চাওন

লক্ষ্মা। (উঠে বসে) শুনলে, হতভাগাটার কথা শুনলে? আচ্ছা,
এক মাঘে শীত যায় না। যাও না, বাছাধন, লক্ষ্মানগরে, নাক্সসরা কেউ
ছেড়ে কথা কইবে না। আমি ততক্ষণ এখানে বসে বসে জিরিয়ে নিই।

প্রহরীর প্রবেশ

প্রহরী। অ্যা। বড় যে ডিউটির মধ্যখানে শুয়ে আছ বড়দিদি!

লক্ষ্মাদেবীর পলা

এবার আমাকে বকুনি খাওয়ানোর মজা বের কচ্ছি দাঁড়াও । জম্মু-
মালীকে বলে দিচ্ছি । (প্রস্থানোদ্যত)

লক্ষা । ওরে থাম, থাম ! হাস্ নি বলছি, তা হলে তোকে একটা
জিনিস দোব ।

প্রহরী । ঠিক দেবে তো দিদি ? সেবারের মতো করবে না
তো ?

লক্ষা । আরে না, না, ঠিকই দোব । সেবার—সেবার—ওরে
সেবার যে আমার পেটব্যথা করেছিল ।

প্রহরী । আচ্ছা তা হলে নাহয় জম্মুমালীকে বলব না । কিন্তু
প্রহস্ত—ওরে বাবা রে, ওটা কি আসছে রে ! না, দিদি, আমি চলি ।
আমার আবার ওদিকটাও পাহারা দিতে হবে [বেগে প্রস্থান

ঝড়ের মতন হনুমানের পুনঃপ্রবেশ ও হতাশভাবে বসে পড়ে

কপালের ঘাম মুছন

লক্ষা । কি ? কি হল ? রাবণের কিছু হয় নি তো ? তার
কাছে আমার অনেক টাকাকড়ি গচ্ছিত আছে যে ! আহা, বসে বসে
মুণ্ডু নাড়ছ কেন ? কি দেখে এলে তাই বল ।

হনু । আরি বাপ্ ! সে যে কি না দেখলাম, সে আর কি বলব !
সোনার দ্যাল ! হীরের ঝাড়লঠন ! ফটিকের বাসন ! তাতে এই
বড়-বড় মাংসের বড়া, মাছের কালিয়া, ক্ষীরের সমুদ্র, ই—ই—ইস্ !
(জিব চাটন)

লক্ষা । খুব সাঁটিয়ে এলি বুঝি !

হনু । (জিব কেটে) ও মা, ছ্যা ছ্যা, কি যে বল ঠাকরুন ! আমি
—আমি যে আত্মিক না করে জলস্পর্শ করি না । কিন্তু কি যে তার
সুবাস গো ! তার পর দেখলাম একটা হাতির দাঁতের পালঙ্ক বেনিয়েছে,
তার ওপরে মানিকের তৈরি প্রদীপ জ্বলছে, তার সুগন্ধে ভুর্-ভুর্ করছে ।
আর বাতির নীচে কালো মেঘের মতো কে একটা শুয়ে রয়েছে, সারা
গায়ে রক্ত-চন্দন মাখা, গা ভরা গম্বনাগাটি, এই বিরাট হাঁ করে নাক
ডাকাচ্ছে আর একটা মশা একবার ভেতরে সঁদুচ্ছে একবার বেরিয়ে
আসছে ! চার দিকে দেখলাম সবাই ঘুমুচ্ছে । একজনকে দেখে সীতা
মা ভেবে খুব খানিকটা তাল ঠুকে নেচে নিলাম । কিন্তু দুঃখের কথা

আর কি বলব, রামচন্দ্রের কাছে তাঁর গয়নার লিস্টি মুখস্থ করেছিলাম ।
সে গয়না মিলল না, কাজেই উনি সীতা নন ।

লক্ষা । ও মা, সে কি ! তুমি গয়না দিয়ে মানুষ চেনো
নাকি ?

হনু । তা নয়তো কি ! মানুষদের মেয়েদের নাক চোখ মুখ বুঝি
আবার আলাদা রকমের হয় ? আর যদি হয়-ও, তবু পদ্যরেণু মেখে
তাম্বুল চিবিয়ে, কাজল পরে, সবাই একরকম হয়ে যায় । চিনতে হয়
গয়না দিয়ে । নাঃ, উঠি এখন ।

এদিকে তন্ন-তন্ন করে খুঁজে দেখেছি, তিনি নেই । ঐ যে দূরে বন-
বাদাড় দেখছি ; যাই, ওখানেই যাই, যদি পাই ।

[প্রস্থান

লক্ষা । এই রে ! ঐখানেই তো সে আছে ! এইবার নিশ্চয় মজা
শুরু হবে । যাই, আমিও যাই, মজা দেখে আসি গে ।

[প্রস্থান

ঘোষক । (বেরিয়ে এসে) উঃ ! বাবা ! এতক্ষণ পরে পরানটা
হাতে করে বেরিয়ে পালাবার সুযোগ পেলাম । ইস্ ! একটা পোড়া
হাঁড়ির মতো কালামুখো বাঁদর, একটা রাক্ষসী ! ভয়ে আমার হাত-পা
পেটে সঁদিয়েছিল ! আরি বাপ্ !

[প্রস্থান

দ্বিতীয় দৃশ্য

হনুমান, খুদে রাক্ষস, সীতা, চেড়ীহৃন্দ, রাবণ

অশোকবন

হনুমানের প্রবেশ

হনু। আরি বাপ্! আর তো পা চলে না রে! এবার একটু না বসলেই নয়। উঃফ্! ঐ শিংশপা গাছটির আড়ালে বসে আগে বাঁদুরে বিস্কুটগুলোর সদ্যবহার করা যাক! তাপ্পর দেখা যাবে। বাবা! কত কণ্ট করে লুকিয়ে-চুরিয়ে জোগাড় করতে হয়েছে গো! কেউ না আবার দেখতে পেয়ে ভাগ বসাতে চায়।

গাছের আড়ালে বসে বিস্কুট-ভোজন। খুদে রাক্ষসের প্রবেশ

খুদে। (শূন্যে নাক তুলে জোরে জোরে শুঁকে)

উঁহঁহঁ! বেড়ে গন্ধটি তো! ও পিসেমশাই, আমাকে দাও!

হনু। (বিস্কুট ঢেকে) কে রে তুই? ভাগ্ বলছি। আমি তোঁর পিসেমশাই নই। তোঁর পিসেমশাই রাবণের বাড়ি গেছে। যা, যা! তুইও যা, সেখানে বড়-বড় বড়া ভেজেছে দেখে এলাম। এখানে কিছু হবে-টবে না।

খুদে। তবে আমি চ্যাঁচাই! হা—আ—আ!

হনু। (খুদের মুখ চেপে ধরে) আ সৰ্বনাশ! এই চুপ চুপ! এই নে ধর বিস্কুট! এ তো আচ্ছা ফ্যাসাদে পড়া গেল। কি যে করি এখন! কোথায় না তাঁকে খুঁজেছি, কিন্তু এখন পর্যন্ত টিকির ডগাটুকু দেখলাম না! পা ব্যাথাটা সারলে, এই বনটাকে সরু চিরুনি দিয়ে আঁচড়াব। কিন্তু তবু যদি না পাই---?

খুদে। খাটের তলায় দেখেছ?

হনু। তুই থাম দিকিনি! খাটের তলায় দেখব আবার কি? খাট তো সব রথের চুড়োর চেয়ে উঁচু।

দূরে মলিনবেশে, দুঃখী মুখে, সীতার প্রবেশ। গায়ে সামান্য অলংকার

হনু। এই খেয়েছে! খিদে খিদে মুখ করে উঠি কে আসছে? আবার না ভাগ বসাতে চায়! এ তো মহা গেরো দেখছি!

খুদে। উটি তোমার বিস্কুট খাবে না। উটি খায় না, চুল বাঁধে না। উটি সীতে। আমাকে আরেকটু দাও বলছি, নইলে—

হনু। (আঁতকে উঠে) অঁা ! সীতে কি রে ! ঐ কি সীতা নাকি ? হঁ্যা, তাই তো ! গলার কণ্ঠিটা রামচন্দ্র যেমন বলেছিল তিক তেমনি দেখা যাচ্ছে তো !

খুদে। হঁ্যা, হঁ্যা, ঐ সীতে। আমার মা ওর চেড়ি। কই, দিলে না বিস্কুট ? তা হলে আমি—



হনু। (সব বিস্কুট খুদেকে দিয়ে) এই

উটি খায় না, চুল বাঁধে না, উটি সীতে।

নে, নে, সবগুলো খা ! আমার খিদে চলে গেছে। ঐ নাকি সীতে, অঁা ! এরই জন্যে রাম-লক্ষ্মণ ইত্যাদি হেদিয়ে গেলেন ? আরে, হ্যা, হ্যা, এর চাইতে কত সুন্দরী কিষ্কিন্ধ্যার পথে-ঘাটে গড়াগড়ি খাচ্ছে—ব্যাটা, তুই এখান থেকে যাবি কি না বল !

খুদে। না, যাব না তো। মা বলেছে একটু নুন-লক্ষা মেখে—এই রে ! ও বাঁবা ! ঐ বোধ হয় রাঁবণ এঁল !

হনু। ওরে বাবা রে ! ওগুলো কি সীতাকে ঘিরে দাঁড়াল ! দেখেই যে আমার গিলে চম্কাচ্ছে ! কি ওগুলো ? কুলোর মতো কান, মুলোর মতো দাঁত, ভাঁটার মতো চোখ ? অঁা, সত্যিকার রাক্ষস নয় তো ? শেষটা আমাকেই যদি চেটে খায় ! কাজ কি বাপু ঘাঁটিয়ে এই শিংশপাটার মগডালেতে চড়ে বসাই যেন ভালো মনে হচ্ছে।

মগডালেতে চড়ন—সঙ্গে খুদে রাক্ষস


খুদে। আঃ, সরো না, আমি কিচছু দেখতে পাচ্ছি না।

লক্ষাদহন পালা

হনু। আরে বাবা! চুপ কর, এই সরে গেলাম।
 খুদে। তোমার লাজটা দিয়ে তা হলে আমাকে জড়িয়ে রেখে দাও,
 নইলে যদি ভয়ের চোটে পড়ে যাই।

অনুচরবৃন্দ সহ রাবণের প্রবেশ

সীতা। ফের এসেছিস! যা বলছি, পালা এখান থেকে, নইলে—
 রাবণ। নইলে কি, রাজকন্যে? তোমার সাহস তো কম নয়।
 আমি একটা রাজা, আমার দোদুর্ভাগ্য দেখে কি বলে ইয়ে—



নইলে কি, রাজকন্যে? তোমার সাহস তো কম নয়।

সীতা। আবালবৃদ্ধবনিতা—

রাবণ। হ্যাঁ, হ্যাঁ, ঠিক তাই। আবালবৃদ্ধবনিতা সবাই ভয় পায়,
 সবাই আমাকে ভালোবাসে, আমার গুণ-কীর্তন করে, আর তুমি কিনা
 আমাকে দেখলেই দাঁত খিঁচুতে শুরু কর!

সীতা। তোকে আমি থোড়াই কেয়ার করি। জানিস, ইচ্ছে
 করলে আমি নিজেই তোকে ভক্ষণ করে এক দলা ছাই বানিয়ে দিতে
 পারি। নেহাত শ্রীরামের অনুমতি পাই নি বলে বেঁচে গেলি। ভালো
 চাস তো ভাগ এখান থেকে!

রাবণ। হ্যাঁ, হ্যাঁ, তাই যাচ্ছি বাবা। ঠিক-মেন একটা আস্ত
 কেউটে সাপ! এখন যাচ্ছি বটে, কিন্তু এ-ও বলে যাচ্ছি যে আর দুই

মাস দেখব, তার পর
সরসে বাটা কাঁচালকা
দিয়ে ঝোল সপ্সপে
ঝাল রাধিয়ে—

চেড়িরন্দ। (জিবের
ঝোল টেনে) চাট্টিখানি
স্বর্বারে ভাত দিয়ে না
মেখে—

রাবণ। চোপ্।
অত বড় মুখ নয়, তত
বড় কথা! ঝোল রাঁধা
হলেও তোরা কিচ্ছু
পাবি নে। ভালো চাস্ তো সীতাকে পোষ মানা, তার পর না হয় দেখা
দাবে।



তোকে আমি খোড়াই কেয়ার করি।

[অনুচর সহ রাবণের প্রস্থান]

দুর্মুখী। এই সীতে, শুনলি তো, বেশি তেজ দেখালে শুটকি মাছ
হসে যাবি।

বিনতা। ওঃ! রাবণের রানী হতে ওঁর আপত্তি! একটা চ্যাং
মাছের মতো তো রূপের ছিঁরি! রাবণটার পছন্দও বলিহারি! বলি,
রানী হবার তোর যোগ্যতাটা কোথায় যে এত দেমাক করিস?

বিকটা। হাঁউ-মাউ-খাঁউ!

অজ্ঞামুখী। অত কথায় কাজ কি ভাই, আয় জলখাবার করি।

শূর্ণনখা। হ্যাঁ, হ্যাঁ, ভাই হঁক। বাঁবা, এঁখনো নাকের জ্বালায়
মঁলুম!

ত্রিজটা। ওরে, তোরা অমন করিস নে, বরং নিজেদের খেঁকে
ফেল্। এতক্ষণ ঘুমুতে ঘুমুতে সে যা স্বপ্ন দেখলুম, ভেবেও আমার
পায়ের লোম খাড়া হয়ে উঠছে।

চেড়িরন্দ। কি দেখলে, কি দেখলে, দিদি?

ত্রিজটা। দেখলুম রাবণ ন্যাড়া মাথায় তেল মেখে, লাল কাপড়
পরে, গলায় কুরবীক্ষুলের মালা ঝুলিয়ে, পুষ্পক-বৃক্ষ থেকে ধগাস্।
অক্ষয়দেব পালা

চেড়িবন্দ । এ মা, ছি, ছি !

ত্রিজটা । আরো দেখলুম, রাবণ গাধায় চেপে দক্ষিণ দিকে যাচ্ছে, গাধা থেকে পিছলে যেই-না কাদায় গড়া, অমনি একটা কালো কুচুকুচে মেয়ে এসে, তার গলায় দড়ি দিয়ে হিড়্ হিড়্ করে টেনে নিয়ে চলল—

চেড়িবন্দ । এ রাম ! রাবণটার যদি কোনো, আক্কেল থাকে !

ত্রিজটা । আরো দেখলুম রাম-লক্ষ্মণ এলেন, সীতা চার দাঁতওয়ালা হাতির পিঠে উঠে চাঁদ-সূর্য ছুঁলেন—ওরে তোরা সীতার পা ধরে ক্ষমা চা, রক্ষে চা, তাপ্পর এখান থেকে পালা !

চেড়িরা । পালা পালা পালা পালা !

[সকলের গ্রহান

সীতা । হায়, হায়, আমি কি পাথর দিয়ে তৈরি যে তবুও বেঁচে আছি !

হনু । ছি, মা, অমন কথা বলতে হয় না । তুমি না জনকরাজার মেয়ে, সেই সীতা, রামচন্দ্র যাকে খুঁজতে এসে সূগ্রীবের সঙ্গে বন্ধুত্ব করেছেন । সেই সূগ্রীব আমাকে পাঠিয়েছেন । কত দেশে, কত বনে-উপবনে ঘুরে, শেষে সম্প্রতি পাখির কথায়, সাগর পেরিয়ে, আজ সত্যি বুঝি সীতা মায়ের দেখা পেলাম ।

সীতা । কে তুমি ? এ-সব কথা কেন বলছ ? তুমি নিশ্চয় রাবণ, আমার সঙ্গে ছলনা করছ ।

হনুমানের নীচের ডালে অবতরণ, খুদে রাক্ষস তখনো সঙ্গে

সীতা । আরে, এ যে একটা সত্যিকার বাদর । কিন্তু চেহারাটি কি আশ্চর্য ! অশোকফুলের মতো লাল গায়ের রঙ, সোনার মতো চোখ—আহা, তাই যেন হয়, বাছা, তোমার কথাই যেন সত্যি হয় ।

হনু । রামচন্দ্র এই আংটি আপনাকে দেখাতে বলেছেন । এবার চলো, মা । আমার পিঠে চাপো । তোমাকে নিয়ে আমি সাগর পার হয়ে শ্রীরামের কাছে চলে যাই ।

সীতা । ও মা, সে কি ! আমার ভারে যে তুমি চ্যাপ্টা হয়ে যাবে ।

হনু । ইচ্ছা করলেই আমি এর শতগুণ বড় হতে পারি, দেখবে ?

খুদে । হ্যাঁ, হ্যাঁ, আমিও দেখব ! আমার মায়ের মুখটি কি বড় !

ঠিক ছাগলের মতো সুন্দর ।

হনু । তুই থাম দিকিনি । বড়দের কথার মধ্যে কথা বলতে হয় না, তাও জানিস না ? মা সীতা, আর বিলম্বে কাজ কি, তুমি আমার পিঠে উঠে বসো । আর আমিও সাঁ করে উড়ে পড়ি ।

খুদে । খেৎ ! কি যে বল ! বাঁদর আবার ওড়ে নাকি ?

সীতা । না বাছা হনুমান, ও আমি পারব না । সমুদ্রের ওপর দিয়ে যাবার সময়, নির্ঘাৎ আমি মাথা ঘুরে ধপ্ করে পড়ে যাব ।

খুদে । তা হলে সুরসা সাপিনী খপ্ করে তোমাকে গিলে খাবে । আর তা হলে আমার মায়ের জঁলখাঁবারের কিঁ হঁবে ? ও মা মা—গো—ও—ও !

হনু । এই ! এই কি হচ্ছে ! চোপ্ নইলে এক চড়ে তোকে তাল-গোল পাকিয়ে দেব । এই নে ধর, সুপুরি খা ।

খুদে । (এক গাল হেসে) কি মজা, না ?

হনু । তা হলে কি হবে, মা ? এই বিকট রাক্ষুসীদের মধ্যে কি করে তোমাকে ছেড়ে যাই ? সত্যি যদি খেয়ে ফেলে ?

সীতা । না বাছা, সে ভয় নেই । রাবণ তা হলে ওদের আস্ত রাখবে না । তুমি নির্ভয়ে গিয়ে শ্রীরামকে আমার প্রণাম দাও, শ্রীলক্ষ্মণকে আশীর্বাদ দাও । আর দেখ, এই আমার মাথা থেকে চূড়ামণি রত্নটি খুলে দিলাম । এটি আমার বিয়ের সময় আমার বাবা জনকরাজা, আমার স্বপ্নরের হাতে দিয়েছিলেন । এটি দেখলেই শ্রীরামের সে-সব কথা মনে পড়বে । যাও বাছা, নিরাপদে । তাঁদের শিগ্গির নিয়ে এসো, আমাকে তাঁরা উদ্ধার করুন ।

হনু । আপনার চরণে শতকোটি প্রণাম করি, মা ।

[সীতার প্রস্থান

হনু । এই আমি গেলাম বলে । কিন্তু তার আগে এই বনটাকে তহ্-নহ্ করে দিয়ে যাব । হেই, হপ্, হাপ্ । ঝননন, রননন । মার, মার, মার, কাট্, কাট্, কাট্ । গাছের ডাল ভাঙ্ ভাঙ্, ভাঙ্ মড়্-মড়্-মড়াৎ ।

খুদে । আমিও ডাল ভাঙব । ওঁ পিসেমশাই গো, আমাকে ফেঁলে কোঁথায় চঁললে ।

গাছপালা ভাঙতে ভাঙতে তুমুল কোলাহল সহ হনুমানের প্রস্থান,

পিছন পিছন খুদে রাক্ষস

জ্ঞানদহন পালা

তৃতীয় দৃশ্য

কালনেমি, গায়কবৃন্দ, রাবণ, ষারপাল, চেড়িবৃন্দ, খুদে রাক্ষস,

সভাসদৃগণ, বিরূপাক্ষ

রাবণের সভাপুত্র

জুড়ির গান

রামায়ণের বাহাদুর রামচন্দ্র নম্র

কহ বাহু তুলে বদন খুলে

হলুমানের জন্ম ॥

সাগরপারের নামটি শুনে

শুধেন পাছে ভয় ॥

শতবলীর অষ্ট রজা,

গম্ব-গবাক্ষের-লয় ॥

অঙ্গদ হলেন শিবনেত্র

ভাবেই তমস্র ॥

আর মূর্তিমান জাম্বুবান

চক্ষু বুজে রয় ॥

হাত-পা পেটে সৈদ্যের পাছে

লক্ষা যেতে হয় ॥

চের চের বীর জানা আছে,

কেউ না লাগে হনুর কাছে,

কোথা সুগ্রীব বিভীষণ,

চটি ফেলে গলায়ন ॥

লক্ষা গিয়ে একলা হনু

সীতার খবর লয় ।

কালনেমি । আঃ, আবার গোড়া থেকে শুরু কর, নে ধর—
(বেসুরো গলায়) —এ—এ—রাবণ রাবণ রাবণ রাবণ—

গায়করা । (সুর করে)

রাবণ বধিবে রাম-লক্ষণ,

মেরে করবে তুলোধুনো,

আহা, রাবণের কথা শুনো,
পাঠাবে শমন-সদন
ঐ দুরন্ত বিভীষণ,
রাবণ বধিবে রামলক্ষণ—

প্রথম গায়ক । তার মানে কি হল, স্যার ?

কালনেমি । মানে আবার কিরে ? হ্যারে, এই সামান্য জিনিসটার
মানে বুঝতে পাচ্ছি না রে, ইডিয়ট্ ?

প্রথম গায়ক । না, না, বুঝতে পেরেছি ঠিকই, তবে কি জানেন
ঐ একটু গুলিয়ে যাচ্ছে, কি বলছে তা টের পাচ্ছি নে, উ—উ—উঃ ।

কালনেমি । ও কি ? ওঁ কি হচ্ছে ?

প্রথম গায়ক । চিম্টি কাটছে, স্যার । তা হলে মানেটা ?

দ্বিতীয় গায়ক । দুঃ । ওঁকে জিগ্গেস কচ্ছিস কেন ? উনি কি
গাইতে জানেন, নাকি আর কিছু জানেন ?

কালনেমি । চোপ্ বেয়াদব ! হ্যাঁ, কি যেন বলছিলাম ? ও হ্যাঁ
গানের আবার মানে কি রে ? গানের বুঝি মানে হয় ?

দ্বিতীয় গায়ক । না স্যার, না স্যার, গানের শুধু সুর হয় ।

কালনেমি । ও—ও ! বড্ড বাড় বেড়েছে, না ? ওঁ বলছি,
উঠে দাঁড়া ! বল্, তুই-ই বল্ মানেটা কি ।

দ্বিতীয় গায়ক । বলছি, বলছি । ঐ রাবণ বধিবে—অর্থাৎ কিনা
রাবণকে গিটিয়ে হাড় গুঁড়ো করবে । কে করবে ?—না, রাম-লক্ষণ ।
বুঝলে কিনা, তাতেও রক্ষে নেই, রাবণের কি হালটা হবে ? না,
তাজ্জব যুদ্ধসজ্জায় বিভীষণের প্রবেশ হবে, ব্যাটা বেজায় দুরন্ত, রাবণের
ঠ্যাং ধরে হিড়্-হিড়্ করে টেনে, একেবারে শমন-সদন, অর্থাৎ কিনা
পুড়িয়ে-টুড়িয়ে একাকার ।

সভাস্থসকলে । সাধু ! সাধু ! দশমুণ্ডুর একটা টিকি পর্যন্ত
বাকি থাকবে না । বাঃ, বাঃ, বেশ বেশ !

প্রথম গায়ক । তাপ্পর কি হবে ?

কালনেমি । তাপ্পর কি হবে ! ন্যাকা ! তাপ্পর কি হবে, উনি
জানেন না যেন । কোথাকার গবেট রে । তার পর রাবণ অস্কা গেছে,
রাম-লক্ষণ এসে লক্ষা তহ্ননহ্ করে, দেবে, তোদের কাউকে বাকি
রাখবে না । তাই বলছিলুম যুদ্ধ কর্, যুদ্ধ কর্ ।

লক্ষাদহন পালা

প্রথম গায়ক । অ্যা ? যুদ্ধ করব ? এই যে বললেন গান কর্ !
কালনেমি । তুই তো আচ্ছা গাথা রে, তাঁটার সময় ইয়াকিও
বুঝিস নে ? রাবণ মলে—

দ্বারপালের প্রবেশ

দ্বারপাল । স্-স্-স্ চুপ, চুপ, রাবণ আসছে ।

কালনেমি । স্-স্-স্ বসে পড়, যে যার জায়গায় বসে পড় । খোল
করতাল ঢাক ঢোল মৃদঙ্গ সব রেডি ?—আচ্ছা, এইবার—

প্রথম গায়ক । স্যার ! রাবণ আসছে ? কই, তা হলে মরে নি তো ?
এ কি রকম অন্যান্য কথা !

কালনেমি । স্-স্-স্ ! আরম্ভ কর, আরম্ভ কর, আহা ! এটা
কি পেট ঢুলকোবার সময় হল ?

গায়কবৃন্দ । (বাদ্যের সঙ্গে)

রাবণ বধিবে রাম-লক্ষ্মণ,

মেরে করবে তুলোধুনো,

রাবণ । এই ! এই ! অত চ্যাঁচাস্ নি । ও হে কালনেমিমামা, বাইরে
অত হট্টগোলটা কিসের ? হাতিমুখো, ঘোড়ামুখো এক পাল মেয়ে-
ছেলে দেখলাম যেন ।

কালনেমি । এঃ ! গোলমাল নাকি ? আমি গান শেখাচ্ছিলাম
কিনা তাই—

রাবণ । তের হয়েছে, এবার ক্ষান্তি দিন । প্রহরী !

দ্বারপালের প্রবেশ

দ্বারপাল । এজ্ঞে মহারাজ !

রাবণ । বাইরে কি হচ্ছেটা কি ? খেয়ে-দেয়ে মুখে পান ফেলে
সভায় একটু ঘুমোতেও দিবি না নাকি ? কে ওরা ?

দ্বারপাল । ওরা না—এজ্ঞে ওরা অশোকবন থেকে এয়েচে, সেখানে
নাকি কি হয়েছে ।

রাবণ । অ্যা ! অশোকবনে আবার কি হল ? ডাক্ ডাক্ শিগ্গির
ডাক ওদের ।

দ্বারপাল । (দরজার কাছে গিয়ে) অয় ! তোমরা এবার এসো ।

হয় সাতটি রাক্ষসীর প্রবেশ, তাদের মধ্যে অজামুখী ও খুদে রাক্ষস

প্রথমা । তবে-না ঢুকতে দেবে না ? এক চড়ে একেবারে সব দাঁতগুলোকে—।

দ্বিতীয়া । না, দেবে না ঢুকতে ! ওর ঘাড় দেবে !

তৃতীয়া । এই সর্ ব্যাটা, দরজা থেকে । দে ব্যাটাকে তেঁলে ঝমের বাড়ি পাঠিয়ে ।

চতুর্থী । ওর কান ছিঁড়ে দে !

পঞ্চমা । চিম্টি কাট্ !

ষষ্ঠী । খিম্চে দে, খিম্চে দে !

সপ্তমা । এইবারে বোঝ বাছাধন ! বলে নাকি ঢুকতে দেবে না !

খুদে রাক্ষস । আমি কচ্কচিটা খাব !

দ্বারপাল । ওরে বাবা রে ! মেরে ফেললে রে !

[পলায়ন]

রাবণ । (অবাক হয়ে) মামা এরা কারা ? অমন কচ্ছে কেন ?

কালনেমি । (মাথা চুলকিয়ে) তা আর করবে না ? অশোকবন



কালনেমি তা আর করবে না ? অশোকবন যে ভেঙে চুরমার !

ভেঙে চুরমার ! ওদের বাসা-ফাসার আর-কিছু রাখে নি !

রাবণ । কে রাখে নি ?

অজামুখী । ঐ একটা বাঁদর, মহারাজ ! ভারি দুশ্ট, কত মানা করছি, শুনছে না ।

রাবণ । কোথাকার বাঁদর ? কি চায় সে ? কেউ দেখেছে তাকে ?

খুদে । আমি দেখেছি মহারাজ । আমি না—আমি ওর বন্দুক । আমাকে বিস্কুট দেছে । ভারি ভালো বাঁদর ।

অজা । এই চুপ, চুপ, পাঞ্জি বেয়াড়াকে ভালো বলতে হয় না ।

রাবণ । কি চায় সে ?

খুদে । তা জানি না । কি সব খাচ্ছিল মগডালে বসে । সীতেকে বলল, আমার পিঠে চাপো, আমি বোঁ করে উড়ে যাই । বাক্বা ! সীতের কি ভয়, কিছুতেই গেল না ! আমি হলে—

রাবণ । চোপ্ । বাঁদরটার আত্মপরা তো কম নয় । গাছপালা নষ্ট করল, তা তোমরা কেউ বাধা দিতে পারলে না ? একটা সামান্য বাঁদর দেখে ভয় পেলো ?

প্রথমা । ওমা ! সামান্য কোথায় ! তেড়ে আসে, ভেংচি কাটে, ল্যাজ আহড়ায়, কান নাড়ে, বিকট চ্যাঁচায় !

দ্বিতীয়া । আর ল্যাজ দিয়ে পাকিয়ে ধরে এই বড়-বড় গাছ শেকড় বাকল সুদ্ধ উপড়ে আনে !

রাবণ । মামা ! একটা সামান্য বাঁদর—নাঃ, এরা ঠিকই বলেছে, সামান্য নয় তা হলে । হয়তো রাম-লক্ষ্মণই বাঁদর সেজে—

সভাস্থ সকলে । (উঠে দাঁড়িয়ে)—অ্যা ! তাই নাকি ! রাম-লক্ষ্মণ নাকি ? তা হলে আমরা কোথায় যাব গো !

রাবণ । চুপ, কাপুরুষের দল ! রাম-লক্ষ্মণের নাম শুনেই তোমাদের আত্মপাখি খাঁচাছাড়া তো তারা সামনে এলে যুদ্ধ করবে কি করে । বসো, বসে যে যার কাজ কর । আমি একটু ভেবে দেখি ।

সে-যার জিনিসপত্র শুছোতে ব্যস্ত হওন

প্রথম সভাস্থ ।—এই রে ! আমার আবার স্বর্ণপটিতে জরুরি কাজ আছে । নেতাস্থ না গেলেই নয় !

দ্বিতীয়। আমাকে যেতে হবে রথের ডিপোতে। শশুরমশাই আসছেন কিনা।

তৃতীয়। ওয়াক্। পেটটা এমন মোচড় দিয়ে উঠল যে এখানে আর থাকা নিরাপদ নয়।

চতুর্থ। আমার জন্য ওদিকে দলিল-পত্র নিয়ে তিনটে লোক আবার বসে রয়েছে।

রাবণ। ওরে জম্মুমালীকে ডাক্, সে যা হয় একটা ব্যবস্থা করুক। এই তোর নাম কিরে? আমার পা থেকে জুতো-জোড়াটা খুলে দে তো বাপ্, পা দুটোকে তুলে বসি। কেমন ব্যথা-ব্যথাও কচ্ছে। তা ছাড়া সিংহাসনের তলাটাতে শুধু রাম-লক্ষ্মণ কেন, তাদের হাতি ঘোড়াও লুকিয়ে থাকতে পারে।

সভাস্থ সকলে। অ্যা। (সকলের ঠ্যাং তুলে বসন)

রাবণ। কই, জম্মুবালা এখনো এল না?

প্রথম সভাসদ্। সে আসতে পারবে না স্যার, তার হাঁত কন্কন্ কচ্ছে।

রাবণ। কে বলেছে ওর দাঁত কন্কন্ কচ্ছে রে হতভাগা?

প্রথম। বাঃ। ও নিজেই তো যাবার সময় বলে গেল।

রাবণ। কি বলে গেল?

প্রথম। বলল, ভুঁড়ো ব্যাটা আমার কথা জিপ্গেস করলে বহিস আমার দাঁত কন্কন্ কচ্ছে। আমি ঘুমুতে গেলাম।

রাবণ। ঘুমুতে গেলাম? ব্যাটা আর ঘুমুবার সময় গেল না? বেশ, ও না যায় তো বিরূপাক্ষ যাক।

বিরূ। আমি, স্যার? আমি কি করে যাব? আমার না থান্নে ফোকা? তা ছাড়া গুরুদেব মানা করেছেন।

রাবণ। আহা! কি জ্বালা! তোমার সঙ্গে দুর্ধর, প্রহস, ভাসকর্ণ, যুগাক্ষ, সবাই যাবে।

বিরূ। কই, কই তারা? এখানে তো কাকেও দেখছি না।

রাবণ। মামা, পাইক পাঠিয়ে তাদের ধরে এনে বাঁদরটাকে বধ করতে পাঠিয়ে দাও তো। আমি ততক্ষণ একটু ঘুমিয়ে নিই।

রাবণের শয়ন ও নিদ্রা । বিরূপাক্ষ, কালনেমি ও সভাস্থ সকলের প্রস্থান । যেতে-
যেতে রাবণের নাক-ডাকা শুনে রাক্ষসীদের চমক লাগন

মঞ্চের আলো নিবে গিয়ে আবার জ্বলে উঠবে । রাবণ তখনো নিদ্রিত, নাক
-ডাকা চলেছে । হড়মুড় করে কালনেমির প্রবেশ

কালনেমি । বলি, ও রাজা, ও ভাগ্নে, আর কত ঘুমুবে ? এদিকে
সবকটাই যে গটল তুলল । তুমি কখন যাবে ?

রাবণ । (চমকে উঠে) অ্যা, কে কি তুলল বললে ?

কালনেমি । (কপাল চাপড়ে) হায় ! হায় ! ওদিকে লঙ্কার সর্বনাশ
হতে চলেছে আর তুমি এদিকে দিবি্য নাক ডাকাচ্ছ !

রাবণ । (পেটে হাত বুলিয়ে) বড্ড খেইছিলুম কিনা । সত্যি
মন্দোদরীর মতো অমন খাসা রাঁধিয়ে আর দেখলাম না । তা কে গটল
তুলেছে বললে ?

কালনেমি । কে তোলে নি তাই বল ! দুর্ধর, প্রঘস, ভাসকর্ণ,
জম্মুমালী, বিরূপাক্ষ—

রাবণ । অ্যা ! বল কি ! একটা ছোট বাঁদরে—

কালনেমি । ছোট নয়, ভাগ্নে, ইচ্ছেমতো সে পর্বতের সমান বড়ও
হতে পারে ! আর সে কি যুদ্ধ ! এই বড়-বড় থান্না নিয়ে, তাই
দিয়ে পেটাম্ছে, ঐ রথের উপর লাফিয়ে পড়ছে, ঘোড়াটোড়া সবসুদ্ধ
চ্যাপটা জিবে-গজা ! ঐ হাতি দিয়ে হাতি মারছে, ঘোড়া দিয়ে ঘোড়া
মারছে রাক্ষসগুলোকে ইঁদুরের মতো দূরে দূরে ছুঁড়ে ফেলে দিচ্ছে আর
তাদের খুঁজে পাওয়া যাচ্ছে না ।

রাবণ । কি সর্বনাশ ! কিন্তু অক্ষ যদি—

কালনেমি । অক্ষ ? অক্ষ কি আর আছে ? তাকে একেবারে
খুলোপড়া করে দিয়েছে ।

রাবণ । হায় ! হায় ! এও ছিল কপালে ।

কালনেমি । এখন কেঁদে কি হবে ভাগ্নে ? তখন পই-পই করে
বলি নি, ঐ সীতেটাকে এনো না, এনো না, তা কে কার কথা শোনে !
সে যাক গে, এখন কুমার ইন্দ্রজিৎ ব্রহ্মাস্ত্র নিয়ে গিয়েছেন । দেখতে
দেখতে, ব্যাটাচ্ছেলেকে এইখানে নিয়ে এসে ফেলবেন, দেখো । ব্রহ্মাস্ত্র
আটকানো শুধু বাঁদরের কেন, রামেরও কণ্ঠম নয় ।

নেপথ্যে । জয়, কুমার ইন্দ্রজিতের জয় ।

মিলিত কর্ত্ত । হেঁইয়ো হো ! হেঁইয়ো হো ! হেঁইয়ো হো !

কালনেমি । ঐ বোধ হয় এল । ভাগ্নে ওঠো, ওঠো, আর ভয় নেই ।

চতুর্থ দৃশ্য

রাবণ, সভাসদগণ, হনুমান, বান্ধবগণ, নিকুন্ত, মন্ত্ৰীগণ ও জনতা

রাবণের সভাগৃহ

রাবণ সিংহাসনে পা গুটিয়ে বসে ব্যস্ত হয়ে হাঁটু নাচাচ্ছেন । মন্ত্ৰীরা ভয়ে ভয়ে
থেকে থেকে সিংহাসনের তলায় উঁকি মারছেন । সভাসদরা ও জনতা ব্যস্ত হয়ে
পাইচারি করছে, দরজার দিকে তাকাচ্ছে, বাইরে যাবার সাহস হচ্ছে না ।

নেপথ্যে সুর করে

মারো জোরান হেঁইয়ো !

আউর ভি থোড়া হেঁইয়ো !

এমনি ভারী, এমনি মোটা,

আর কোথা কেউ নেই-ও

হেঁইয়ো মারো বল্ !

(গান)

উরি বাবারি

ব্যাটা বেজায় ভারী ।

খায় শুধু গুপ্-গাপ্

ডাক ছাড়ে হপ্-হাপ্ !

অমন ভালো নগর-চুড়ো

পিটিয়ে করল গুঁড়ো গুঁড়ো

ভালোমানুষ সাজে কিন্তু

মনটা বড় খল ।

আহা, অশোকবনের দশা দেখে.

চক্ষে ঝরে জল

হেইয়ো মারো বল্।

আল্টপূর্বে দড়িদড়া দিয়ে বেঁধে হনুকে চাংদোলা করে আট-দশজন রাক্ষসের
প্রবেশ ও ধপাস্ করে দোর গোড়াতেই ফেলেন

রাক্ষসদের গান

বলি ও রাবণ রাজা

এ কেমন দিলে সাজা।

কাঁধে চেপে ব্যাটাচ্ছেলে

গাচ্ছে রাম নাম !

ভারের চোটে প্রাণটা বেরোয়

ঝরছে মোদের ঘাম !

ভোগের বেলা—

হনুমান । (খোঁচা দিয়ে) বলি, ও অলম্বুসের দল, একটা কি গান
গাইবার সময় হল ? এইখানেতে নামালি যে বড় ? ওঁর কাছে
নিয়ে গিয়ে আমাকে ফেল্, নইলে আমাকে উনি ভালো করে অবলোকন
করবেন কি করে ? এরই মধ্যে হাঁপিয়ে গেলি নাকি ? কি খাস্
তোরা ? দুক্বোঘাস বুঝি ?



বলি, ও অলম্বুসের দল, এটা কি গান গাইবার সময় হল ?

প্রথম রাক্ষস। আর পারি নে, বাপু। অত যে বস্ত্রিমে কচ্ছিস, নিজে হেঁটে একটু যেতে পারিস নে ?

হনু। ই-ই-ইস্! তোর কাজ আমি করব কেন রে? তুই মাস-কাবারে মাইনে পাস-না? তা ছাড়া, আমি বন্দীদশার রাজসমীপে আনীত হচ্ছি, অত হাঁটা লাফানো কি শোভা পায়? নে, নে, তোন্ট দিকি। আচ্ছা, আমিই নাহয় নিজের থেকে তোদের ঘাড়ে চাপছি। এই নে, ধর! (ঘাড়ে ঠ্যাং স্থাপন)

দ্বিতীয় রাক্ষস। উ-হ-হ, ওরে বাবা রে, মরে গেলাম রে, কাঁধটার আর কিছু রইল না গো? ও রাজা, বসে বসে দেখছ কি? তোমার সামনেই কি আমাকে চ্যাপটা করে ফেলবে?

রাবণ। চুপ কর, বেয়াদব। কি, লাগিলেছটা কি? এই কি তবে সেই দুর্ভাগ্য দুরাচার, যে আমার সোনার অশোকবন লম্বলম্ব করে এক কাণ্ড করেছে? এ তো একটা সাধারণ কপি দেখছি—

জনতার মধ্যে থেকে। কি? কি বলছে রাবণ? ভালো করে শুনতে পাচ্ছি না! বিড়-বিড় কচ্ছে কেন? গলায় জোর পায় না নাকি?

রাবণ। (চিৎকার করে) এটাকে এনেছিস কেন? একে তো একটা সাধারণ কপির মতো দেখাচ্ছে।

জনতার প্রথম কণ্ঠ। কবি? অঁা? বাঁদরটাকে কবি বলছে কেন?

দ্বিতীয় কণ্ঠ। কে জানে! কবিদের মতো মাথায় লম্বা লম্বা লোম বলে বোধ হয়।

মন্ত্রী। আঃ, তোরা চুপ করবি কি না! কবি নয়, কপি।

প্রথম কণ্ঠ। কপি? কপি কি ভাই?

দ্বিতীয় কণ্ঠ। কপি জানিস না? বাঁধাকপি, ফুলকপি, ওল-কপি। ওকে খেয়ে ফেলা হবে কি না, তাই কপি বলা হচ্ছে।

প্রথম কণ্ঠ। ও, তাই বল। আমি কপি খেতে বড় ভালোবাসি।

রাবণ। চোপ্। তোদের দিনরাত খালি খাই আর খাই। লজ্জাও করে না।

মন্ত্রী। আহা, মহারাজ, ওদের অমন বলতে নেই, ওরা হল গিলে আপনার প্রজা, যুদ্ধের সময় প্রাণ দেবে, ওদের চটাতে হয় না। শোনো লক্ষাদহন পালা

বাছা, কৃষ্ণপঙ্কে কপি খেতে নেই। যাও, এখন যে যার জায়গায় বসে দিকিনি।

রাবণ। আমরা তো ছোটবেলায় ধামাচাপা দিয়ে বাঁদর ধরতাম। তা এটাকে ধরতে ব্রহ্মাস্ত্র লাগল কেন? ইকি! বাঁদরটা আমার দিকে অমন পিট্ পিট্ করে তাকাচ্ছেই-বা কেন?

হনু। 'অহো রূপমহো ধৈর্যমহো সত্ত্বমহো দ্যুতি!

ওহে রাবণ, পবন-নন্দন কচ্ছে তোমার স্তুতি।

যেমন বিরাট বাহু তোমার, তেমনি বুকের ছাতি,

এত রূপের সঙ্গে কেন এতটা বজ্জাতি?

রাবণ। কে এ? এ তো সাধারণ বাঁদর নয়। একি তবে শিবের অনুচর, নন্দী? নাকি অসুরদের রাজা, বাণ? একটু দেখো তো মন্ত্রী।

নিকুন্ত। হ্যাঁরে, কে পাঠিয়েছে তোকে? কুবের? যম? ইন্দ্র? সত্যি কথা বল দিকিনি, তা হলে তোর বাঁধন খুলে দেব। মিথ্যা বললে কিস্তি পিটিয়ে পাপোশ বানাব।

হনু। বাঁধন আবার খুলবে কি গো? সে তো আপনিই খুলে গেছে। অনেক কণ্টে ধরে রেখেছি। আর কিছু থাকে তো দাও।

রাবণ। অ্যা! ব্রহ্মাস্ত্র খুলে গেছে মানে? সে আবার খোলে নাকি?

নিকুন্ত। আরে, সত্যিই তো তাই দেখছি! এটা কি করে সম্ভব হল ভেবে পাচ্ছি না।

হনু। মহারাজ, এ গবেটটাকে পেন্সিল দিয়ে দিন। ব্রহ্মাস্ত্রের ওপর শনের দড়ি পড়লে যে ব্রহ্মাস্ত্র খুলে যায়, আহাম্মুকটা তাও জানে না! ওরে ব্যাটা, মাছের মুড়ো খা, বুদ্ধি বাড়বে।

সভাসদ্রা (বেঞ্চির ওপর চড়ে) অ্যা! তাই নাকি! বাঁধন ছোলা নাকি। যদি কামড়ায়? ও বাবা! তবে আমরা এখন বাড়ি যাই, খাবার সময় হয়ে গেছে, স্ত্রী ছেলেপুলেরা বসে আছে—।

সকলের পাশের দরজার দিকে অগ্রসর হওন।

রাবণ। চোপ্! যে যার আসনে বসে গে। (হনুকে) বাছা, তুমি কি চাও?

হনু। চাই তো অনেক কিছুই, কিন্তু দিচ্ছে কে? আপাতত মা
জানকীকে ছেড়ে দিলেই খুশি থাকব।

রাবণ। (চিৎকার করে) বাঁদরটার তো বড় বেশি আশ্পর্শ
দেখছি। বন্দী অবস্থাতেও চোখ রাঙাচ্ছে।

হনু। ও মা! বলে কি। চোখ রাঙালাম কোথায়? আমি
বাঁদর কিনা, আমার চোখটাই লালমতন। সত্যি রাঙালে তোমার দাঁত-
কপাটি লেগে যেত। তোমার জন্যই বলছি, সীতা-মাকে ছেড়ে দাও।
নইলে তুমি, তোমার রানীরা, ছেলেপুলেরা, ভাইবোন, পিসেমশাই,
কালনেমিমামা, সভাসদ, অনুচর, ভাই-বেরাদার, লোক-লস্কর, মায়
লক্ষাশহর কিছুছুর বাকি থাকবে না, সব ধুলোপড়া হয়ে যাবে।

সভাসদ্রা! (এক বাক্যে) না, না, না, না, আমরা এ বিষয়ে
কিছু জানি না, ঠাকুরমশাই মানা করেছেন, তা ছাড়া আমরা কেউ
সেখানে ছিলাম না।

রাবণ। চোপ! কাপুরুষের দল! দেখো, বাঁদর, তোমার অনেক
বেয়াদবি সহ্য করেছি, কিন্তু আর নয়। বুঝতে পারছি তুমি রামের
লোক, নইলে হঁদুর বাঁদর নিয়ে লক্ষা আক্রমণ করার সাহস আর কার
হবে? তোমার উচিত সাজার ব্যবস্থা করছি। মন্ত্রী, একে বধ করা
হোক।

নিকুন্ত। সহজে মরবে বলে তো মনে হয় না, যা ঠ্যাটা!
তা ছাড়া—

রাবণ। খামলে কেন, মন্ত্রী? তা ছাড়া কি?

জনতার মধ্যে থেকে। ও বলতে ভয় পাচ্ছে, রাজা। পাছে ভালো
কথা কানে গেলে তুমি রেগে যাও।

রাবণ। নির্ভয়ে বলো, মন্ত্রী। তা ছাড়া কি?

হনু। কি আবার তা ছাড়া? ও বলতে চায় দূতকে বধ করা
মহাপাপ। তার মাথা মুড়িয়ে ঘোল ঢালা যেতে পারে। তাকে লাঠিপেটা
করা যেতে পারে। ঠ্যাং ভাঙা, কান ছেঁড়া, মাথা নীচের দিকে করে
গাছ থেকে ঝুলোনো, এই-সবই চলতে পারে, কিন্তু বধ করা যায় না।

রাবণ। যায় না বুঝি? কেন যায় না?

নিকুন্ত। কি যেন একটা হয়, ঠিক মনে পড়ছে না। তবে ভারি
খারাপ কিছু।

লক্ষাদহন পালা

রাবণ । বেশ, তোমাদের সকলেরই এখন তাই ইচ্ছা, তখন তাই হোক ।

হনু । হ্যাঁ, হ্যাঁ, সেই ভালো । নইলে আমাকে বধ করলে রাম-লক্ষণের কাছে গিয়ে, তোমাদের সাহসের কথা কে বলবে, শুনি ? ঐ সাগর লাফিয়ে যাওয়া তোমাদের কস্ম নয় । তা ছাড়া, আমি নিজে গিয়ে সব কথা বুঝিয়ে না বললে, তাঁরা না আবার ভেবে বসেন যে আমাকে দেখেই তোমাদের মুখগুলো দিস্ কাইন্ড অফ্ স্মল্ হয়ে গেছে, কিছু বলতেও সাহস পাচ্ছ না । আর সব চাইতে বড় কথা হল বধ করলে যদি শেষটা সত্যি সত্যি মরে যাই, তা হলে কি হবে ?

রাবণ । চো—প্ । নাঃ এ তো আর সহ্য করা যায় না । এ হতভাগটার ল্যাঞ্জে আচ্ছা করে ন্যাকড়া জড়িয়ে—

প্রথম রাক্ষস । অত ন্যাকড়া কোথায় পাব, স্যার ? দেখছেন না, চোখের সামনে বাঁদরটা কেমন হ-হ শব্দে বেড়ে যাচ্ছে !

রাবণ । কোথায় পাব আবার কি ? কেন, তাদের পরনে কাপড়-জামা নেই ? তার থেকে ছিঁড়ে নিবি । তাতে বেশ করে তেল ঢেলে—যে যার বাড়ি থেকে তেল আনবি—হ্যাঁ, কি যেন বলছিলাম, বেশ করে তেল ঢেলে, আগুন ধরিয়ে, সারা শহরময় ব্যাটাকে ঘুরিয়ে আনবি । সবাই দেখুক রাবণের সঙ্গে যারা বেয়াদপি করে, তাদের কি দশা হয় । যা এখন, একে তুলে নিয়ে চলে যা ।

হনু । দেখো, বাপু, সাবধানে তুলো । আমার আবার বাঁ পায়ের কড়ে আঙুলটা কনকন্ করে, তেঁতুল খেলে বাড়ে, উর্টিতে হাত দিয়ে না । নাও, তোমো, ওয়ান-টু-থ্রি !

জনতার মধ্যে । হি-হি-হি, বাঁদরটা তো বেড়ে মজার রে ! চ' চ' সঙ্গে যাই ।

হনু । হ্যাঁ, হ্যাঁ, যাবে বৈকি, শহরের কোথায় কি দ্রষ্টব্য জিনিস আছে, দেখিয়ে দিবি তো ? চল, যাওয়া যাক । ন্যাকড়া জড়ানো, আগুন ধরানো, এ-সব পারবি তো ? নাহয় বলে দেব । চল, চল, দুর্গা দুর্গা ।

পঞ্চম দৃশ্য

হনুমান, কালনেমি, লক্ষ্মাদেবী, শূদে রাক্ষস, উনুনমুখো ও অন্য রাক্ষস

রাবণের প্রাসাদের প্রাঙ্গণ

হনুমানের ল্যাঞ্জে ফালা ফালা ন্যাকড়া জড়ানো হচ্ছে

কালনেমি। আহা! তোদের যা কাণ্ড! অতটুকু ফালিতে কি হবে? পাহাড় পাহাড় নিরেে আসন্ন। ব্যাটা লক্ষ্মীছাড়ার বপুখানি দেখেছিস নে?

হনু। দ্যাখ বাপু, কথায় কথায় অমন খুঁড়িস নে বলছি। বলি তোর ডাঙের খেয়ে এতটা মোটা হইচি নাকি? বেশি বকবক করলে এক চড়ে ইদিককার দাঁতগুলো উদিক দিয়ে বের করে দেব।

কালনেমি। আচ্ছা, বাবা, আচ্ছা। এই তোরা সব হাঁ করে দেখেছিস কি? যা, আরো ন্যাকড়া আন।

প্রথম রাক্ষস। আর কোথায় পাব, স্যার? এর উঠোন থেকে, ওর খাট থেকে, তার বাড়ি থেকে স্বতগুলো এনেছিলাম সব শেষ। আর নেই।

কালনেমি। আর নেই মানে? নেই বললেই হল কিনা! দ্যাখ ঠাট্টার সময় ইহাকি ভালো লাগে না। যেখান থেকে পারিস নিরেে আসন্ন।

লক্ষ্মাদেবী। স্বত সব ন্যাকা! কেন, রাবণরাজা বলে নি তোদের পরনের কাপড় ছিঁড়ে সলতে পাকা। তার খানিকটে আমাকেও—

কালনেমি। ঠিক বলেছ, ঠাকরুন! এই ব্যাটা, দে তোর খটিটা খুলে দে দিকিনি। ওরে উনুনমুখো, আগে ওরটা ফালা ফালা করে ছিঁড়ে তার পর তোর নিডেরটাকেও— ইকি। এরা সব পাজাচ্ছে কেন? শেষটা কি আমাকে কাজ করতে হবে নাকি? এই হতভাগারা, বলি, যাওয়া হচ্ছে কোথা?

রাক্ষসরা। আমাদের—আমাদের এখন খাবার সময়—

কালনেমি! ফের মিথ্যে কথা! তোদের শূলে দেব, জেলে দেব, মাইনে কাটব। ও হনুমান, দ্যাখ তো বাপু, এ আবার কি পেরো! যা হয় একটা কিছু কর, অমন গুলে গুলে মুচকি হাসলে চলবে কেন?

হনু। . (মাথা তুলে) ওরে, নারে, আর দরকার নেই রে!

লক্ষ্মাদেবী পাল্লা

এতেই চের হবে । মামার যা বুদ্ধি ! আয়, আয়, আয়, মামা সবাইকে
বিস্কুট দেবে ! (রাফসদের ফিরে আসা)

রাফসরা কই ? কোথায় বিস্কুট ? আমরা বড়-বড় নেব ।

হনু । হ্যাঁ হ্যাঁ তাই নিবি, মামা সব দেবে । এখন ঐ সরু ফালি-
গুলোকে নিয়ে আমার ন্যাজের ডগা থেকে জড়াতে শুরু কর্ দিকিনি ।
(রাফসদের তথাকরণ)

হনু (চিৎকার করে) উঃ ! কি আরন্ত করেছিস তোরা ? অত
টাইট্ কচ্ছিস কেন রে ব্যাটারা ? আমার লাগে না বুঝি ! ই—স্
দেখেছ ! ন্যাজটাকে এঁটে একেবারে পেন্সিল বানিয়ে ফেলল গো ! খোল্
খোল্, ভিল দে বলছি !

প্রথম রাফস । কি করে খুলি ? গিঁট পড়ে গেছে যে ! (ব্যাণ্ডেজ
খরে টান)

হনু । (বিকট চিৎকার) উঃ—উফ্ ! ছাড়্ ছাড়্ ! আচ্ছা
আমিই নাহয় একটু ছোট হয়ে বাঁধন চিলে করে নিচ্ছি ! হ্যাঁ এই বেশ !
কই, তেল কই ? তেল আনিস নি, আহাম্মুক ? আচ্ছা, ঐ লঠনটা
থেকেই নাহয় খানিকটা তেলে নে । ই কি ! ব্যাণ্ডেজটা আবার ঝুলে
পড়ছে কেন ? সেপ্টিপিন লাগাস নি বুঝি ? নাঃ, তোদের নিয়ে পারা গেল
না দেখছি ! যেটাই না দেখব, সেটাই ভুল ! বলি ও কালনেমি মামা ।

কালনেমি । না, না, না, আমার সেপ্টিপিন আমি দিতে পারব
না । বরং গিঁট পাকাও ।

হনু । সে কথা বলছি না । আমি বলি কি, এখন একটু টিপিনের
ছুটি হোক-না কেন ? চ্যালা-চামুন্ডারা যে না খেয়ে-খেয়ে হাঁপিয়ে
উঠেছে । একটু নিমকি, মাছের চপ, আলুকাবলি, ঝালচানা—কি বল ?
খুদে । হ্যাঁ, হ্যাঁ, তাই হোক, তাই হোক !

কালনেমি । না, না, বড্ড দেরি হয়ে গেছে । এখন বলে টিপিন খাব ।
তাপ্পর বলবে জিরুব । তাপ্পর বলবে আজ থাক, কাল হবে ! অত দেরি
করলে চলবে না, বাছা আর গোলমাল পাকিয়ে না, জাদু । তোমার
ন্যাজে আগুন দিয়ে, পাড়াময় ঘুরিয়ে, লোকেদের শিক্ষা দিয়ে, তবে আমি
বাজার যাব । খিদে পেয়ে থাকে, নাহয় ফিরে এসে যাহোক কিছু মুখে
দিয়ে । কই, দে দিকি অয়েল-ক্যানটা । ই কি ! এতে নেবুর গন্ধ
কেন ? (কিঞ্চিৎ চাখন) আ সর্বনাশ ! এ যে বাপ্পির শরবত !

হনু। (উঠে বসে) কই, কই বাড়ির শরবত ? আমি বড়
ভালোবাসি। (টেনে নিয়ে গলায় ঢালন) আঃ নতুন প্রাণ পেলেম !

খুদে ! আমিও ! আমিও ! ঐ' দেখে দিচ্ছে না !

হনু। নে নে ধর ! আঃ, প্রাণটা জুড়াল। (শুয়ে পড়ন) কই, দে
দিকিনি দেশলাই !

কালনেমি। দেশলাই? কই দেশলাই ? ওরে উনুনমুখো ম্যাচিস আন !

উনুনমুখো ! কোথায় পাব স্যার ?

হনু। কি জ্বালা ! আরে ঐ লষ্ঠনটা থেকে ধরতে পারিস না রে,
ব্যাটারা ?

কালনেমি। আচ্ছা, তাই হোক, তাই হোক। হ্যাঁ, এইবার ঠিক
হয়েছে ! তা হলে বল সবাই একসঙ্গে, জয়, রাবণের জয় !

হনু। (লাফিয়ে উঠে) হাঁ হাঁ হাঁ ও কি হচ্ছে ? আমি না
রামের অনুচর ? আমার ন্যাঙ্গে দেশলাই দেবার সময় বলবি :
রামচন্দ্রের জয় ! তা'পর তোদের মগজে যখন দেশলাই দেওয়া হবে,
তখন বলবি :

রাবণ রাজার জয় !

গোবুদ্ধি করে কয় !

সীতা-মাকে আনলি ধরে

মরবি সুনিশ্চয় !

—কই, চুপ করে দাঁড়িয়ে আছিস যে ? জ্বাই দে, জ্বাই দে ! না
থাকে তো নিদেন লষ্ঠনটাই দে। আচ্ছা, এই নে দেশলাই, আমার
ট্যাঁকেই ছিল। বল তা হলে রামচন্দ্রের জয় !

কালনেমি। [দেশলাই ধরে] উঁ হঁ হঁ ! নড়ো না বলছি, হনু,
শেষটা যদি গায়ে আঙুন লেগে যায়, তখন আমাকে দোষ দিলে চলবে না
বলছি। হ্যাঁ, এই হয়েছে ! ও কি। ফুঁ দিলে নিবিয়ে দিলি কেন,
পাজি ? আর মোটে একটা কাঠি আছে।

হনু। আহা ! আমার চোখে ধোঁয়া লাগে না বুঝি ! তার চেয়ে
এক কাজ কর, আমাকে তুলে বাইরে নে চল। সেখানে গিয়ে ধরানো
ষাবে। নে তোলা দিকিনি। বল, রামচন্দ্রের জয় !

সকলে । রামচন্দ্রের জয় !

অনেক কণ্ঠে হনুকে তুলে, মিলিত কণ্ঠে গান

হনুমানের ন্যাজের আগায়

আগুন জ্বালো, আগুন জ্বালো !

ব্যাটা, ন্যাজ দিয়ে মাছি ভাগায়,

কেসিন ঢালো, কেসিন ঢালো !

[গাইতে গাইতে প্রস্থান

ষষ্ঠ দৃশ্য

চেড়িরা, খুদে রাক্ষস, রাক্ষসগণ, সীতা, হনু, বান্দরের দল

অশোকবনের নিকটস্থ রাজপথ

বাস্ত হয়ে চেড়িদের ঘোরামুরি । লক্ষ্মাদেবী সহ এক দল রাক্ষসের

হস্তদস্ত হয়ে প্রবেশ

প্রথমা । বলো না গো, কি সব্বনাশটা হচ্ছে ? আকাশ লালে লাল !
ফট্‌ফট্‌ হুড়্‌মুড়্‌ শব্দ । এ কি প্রলয় গুরু হল নাকি গো ?

খুদে । ও মা ! সে কি ! মোটেই পেলয় নয় । ও আমার বন্দুক
হল্লুমান মজা কচ্ছে !

দ্বিতীয়া । তা বাপু, তোমার বন্ধুর মজা করার রকমটি তো বেশ !
কিন্তু হচ্ছেটা কি তাই শুনি ?

খুদে । ওমা, তাও জান না বুঝি ? হল্লুমান বলল কি না আমাকে
বধ করে কাজ নেই, শেষটা যদি সত্যি মরে যাই ! তাই রাবণ রাজা
বললেন : বেশ, ব্যাটার ন্যাজে ন্যাকড়া জড়িয়ে, তেল তেলে, আগুন
জ্বলে, শহরে বেড়াতে নে যাও ।

তৃতীয়া । ওমা কি কাণ্ড ! তাপ্পর কি হল ?

প্রথম রাক্ষস । হল কি জান, যত ন্যাকড়া জড়ায়, হল্লুমান ততই
বড় হয় । তাই দেখে এই লক্ষ্মা ঠাকরুনের কি রাগ । বললেন, থাক
আর জড়িয়ে কাজ নেই, ওতেই হবে ! শেষটা আমার মন্দিরের প্রদীপে
সলতে দেবার জন্য এক চিলতে ত্যানাও বাকি থাকবে না । এবার তেল
তেলে আগুন লাগাও ।

প্রথন চেড়ি। ব্যাটা তখন খুব জব্দ হল নিশ্চয়।

দ্বিতীয় রাক্ষস। জব্দ না আরো কিছু। চোখ মুদে বলে কিনা, আঃ কি আরাম! ঠিক যেন চন্দন মাখাচ্ছে। একটুও গা পুড়ছে না দেখেছিস?

খুদে। হ্যাঁ, খালি ন্যাকড়াগুলো পুড়ছিল, তার কি গন্ধ রে বাবা! আমাকে দেখে হল্পমান বলল—ন্যাজ পুড়বে কি করে রে, আমি যে পবনের পুত্র, বাবা সব উড়িয়ে নে যাচ্ছে।

সীতার প্রবেশ

সীতা। কি হয়েছে? ও কিসের শব্দ? আকাশ লাল কেন? আমার বড় ভয় কচ্ছে।

দ্বিতীয়া চেড়ি। হবে আবার কি, ঠাকরুন তোমার পেয়ারের সেই



হবে আবার কি, ঠাকরুন।

তঁাবামুখো বাঁদরটা এদিকে পুড়ে শিক-কাবাব! তার বেশি কিছু হয় নি।

সীতা। হা ভগবান! এ-ও লিখেছিলে আমার কপালে।

রোদন

জ্ঞানদহন পালা

খুদে ! এ রাম ছিঃ ! বুড়ো খাড়ি মেয়ে আবার কঁাদে ! তা ছাড়া সব মিছে কথা, মোটেই হলুমান পোড়ে নি । সে আমাকে বলল, দেখেছিস রাক্ষসগুলোর আশ্পন্দা, দেখেছিস ? আমার ন্যাজে আগুন দেওয়া ! দাঁড়া, মজা দেখাচ্ছি ! এই-না বলে, অত বড় শরীরটাকে গুটিয়ে এই এতটুকুন করে ফেলল । বাস্ ! সব দড়িদড়া থস্-থস্ করে থসে পড়ে গেল ।

দ্বিতীয়া । তাপ্পর ? তাপ্পর ?

লক্ষা । (কাঠ হেসে) তাপ্পর ? হা সব্বনাশ, তাপ্পর ব্যাটাচ্ছেলে লক্ষপাহাড়ের সমান উঁচু এক লাফে পগার পার । ন্যাজে দাউ-দাউ



লক্ষপাহাড়ের সমান উঁচু এক লাফে পগার পার ।

আগুন জ্বলছে, যেখানেই যাচ্ছে সব বাড়িঘর পুড়ে ছাই । সঙ্গে-সঙ্গে সে কি হাওয়া ! হ-হ করে এক বাড়ি থেকে অন্য বাড়িতে আগুন ছড়িয়ে পড়ল । দেখতে দেখতে আমার সোনার লক্ষা পুড়ে কাঠ-কল্লা । এখন আমার ভোগের কি ব্যবস্থা হবে, তাই বল্ তোরা ! ক্ষীর, সর, মোষের মাংসের কালিয়া—হায় হায় ! সব গেল !

সীতা । আর হনুমান ? তার কি হল ?

শুদে । (হেসে) কিছু না, কিছু না, তাকে ধরতে পারলে, তাকে তো কিছু হবে । যে কাছে যায়, তার মাথা ফাটিয়ে চীনে-পটকা । তা'পর দিব্যি সুন্দর সমুদ্রের জলে ন্যাজ ডুবিয়ে আগুন নিবিয়ে, বলল, উঃ তোদের দেশে বড় ধোঁয়া রে । দে তো আমার মুখে একটা বড় দেখে মিঠে পান ফেলে দে দিকিনি । যেই-না পানটা দিয়েছি, অমনি ছপ্ করে পগার পার ।

অজামুখী । অ্যা ! পান কোথায় পেলি বল, হতভাগা ! আমার কৌটো থেকে নিয়ে থাকিস যদি, তা হলে তোর কানদুটোর কিছু রাখব না । (কান পাকড়ানো)

শুদে । আঃ ! উঃ ! ছাড়ো মা, বড় লাগে । তোমার পান নয় । তোমার পান ঝাল, তেতো । যেই-না সবাই রাবণের সভা থেকে মজা দেখতে বেরিয়ে এসেছে, অমনি আমিও ইজের ভরতি করে পান নিয়ে, পালিয়ে এসেছি । আরে, ঐ তো হনুমান আসছে ! এদিকে বন্দুক ! এদিকে ! ই কি ! এরা সব পালান কেন ?

হনুমানের প্রবেশ । সীতা ও শুদে ছাড়া সকলের গলায়ন

হনু । (সীতার পায়ে পড়ে) উঃ ! তুমি তা হলে পুড়ে থাক্ হও নি, মা-সীতে ! যা ভয় হল, কি জানি রাগের মাথায় তোমাকে সুদু বেগুন-পোড়া বানিয়ে ফেলি নি তো । তা'পর দেখি, অশোকবন যেমন সবুজ তেমনি সবুজ । বাবা, ধড়ে প্রাণ এল ! এবার তবে বিদায় দাও, মা, শ্রীরামকে গিয়ে সব কথা বলি ।

সীতা । দুদিন জিরিয়ে গেলে হত না, বাছা ?

শুদে । তোমার যেমন কথা ! বাড়িঘরের কিছু রেখেছে যে জিরবে ? না, বাপু, তুমি কেটে পড় । আর দেখো আবার যখন আসবে, আমার জন্য বেশি করে বাঁদুরে বিস্কুট এনো, কেমন ?

হনু । তথাস্ত । এবার তবে বিদায় দাও, মা ।

[সীতাকে প্রণাম করে প্রস্থান]

সীতা । নিরাপদে যাও, বাছা । দুগ্গা, দুগ্গা !

লক্ষাদহন পাল

প্রথমদল ।

রামায়ণের বাহাদুর রামচন্দ্র নয়,
বল বাহু তুলে, বদন খুলে,
হলুমানের জয় ।

দ্বিতীয়দল ।

অবাক হল রাবণরাজা,
লক্ষা পুড়ে আলুভাজা,
হনুমানে দিলে সাজা,
উল্টো ফল-ই হয় ।

প্রথমদল ।

কর হনু গুণ-গান !
উট-কপালের দু পাশেতে
হের বাঁধাকপি কান ।

দ্বিতীয়দল ।

রামায়ণ-কথা সোটা-
লেমনেড্ সমান ।
রামায়ণের বাহাদুর ইত্যাদি